

西南史地文獻

第二十卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第二十卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

康輶紀行

二

〔清〕

姚

瑩撰

.....

〇〇二

本卷目錄

康輶紀行 二〔清〕姚瑩撰……………〇〇三

【清】姚瑩撰

康輶紀行

二

〔清〕姚瑩撰，清同治刻本，半葉十行，行二十四字，四周雙邊。

姚瑩（公元一七八五至一八五三年），字石甫，一字明叔，安徽桐城人，嘉慶十三年（公元一八〇八年）進士。姚瑩是近代著名的愛國者和第一批主張『開眼看世界』的代表之一。曾任福建平和、龍溪知縣，兩度奉調臺灣任職，先署海防、噶瑪蘭同知，后為臺灣兵備道。

《康輶紀行》是晚清初期的邊疆史地研究名著，是作者於道光二十四年至二十六年入川、入藏期間所作札記匯編而成。

康輶紀行卷之十

桐城姚瑩展和甫

默深以痕都斯坦爲中印度余按南懷仁坤輿圖瀕南海有地
曰印度斯單卽痕都斯坦之音轉也印度者地名斯單斯坦者
國王之稱亦作算端亦作算灘亦作士丹皆君長之稱也坤輿
圖之奔加刺卽孟加刺亦卽東印度其西有安日河長四千八
百里分七岔入海而印度斯單在安日河之西其西南爲本斯
利巴當西北爲莫卧爾其西爲西天竺又西爲印度河長四千
里然則印度斯單正在其中此可爲痕都斯坦卽中印度之証

右痕都斯坦

卽中印度

南懷仁又云莫卧爾印度有五惟南印度仍其舊餘四印度皆爲莫卧爾所拜其國甚廣分十四道象三千餘嘗攻西印度其王統兵五十萬馬十五萬象二百每象負一木臺容人二十載銃十門大者四門每門駕牛二百載金銀五十巨罌以禦不勝盡爲莫卧爾王所獲東印度有大河名安日謂經此水浴作罪悉得消除五印度人咸往沐浴冀滅罪升天余按據此之言莫卧爾兼四印度則痕都斯坦亦在所拜內矣圖內莫卧爾在印度斯單之北明爲二地印度斯單旣是痕都斯坦爲中印度則莫卧爾當爲北印度豈卽克什彌爾耶圖內印度斯單及西天竺之南有國曰阿里沙曰古爾官韃曰木斯利巴當日加納刺

曰毘斯納加又總名曰印地亞蓋皆南天竺矣

右莫卧爾即北印度

一統志曰俄羅斯在喀爾喀楚庫河以北東南至格爾必齊河北岸自大興安嶺之陰以東至海與黑龍江所轄北境接界西接西洋西南至土爾扈特舊國及準噶爾界北至海瑩按海國聞見錄俄羅斯在細密里也之西南濱死海西接普魯社死海又名裏海死海之南爲東多爾其西多爾其臨地中海俄羅斯西南之境或有近中海者若其西境則隔普魯社外黃祁荷蘭佛蘭西是班牙葡萄牙呀諸國方至西洋約近萬里少亦六七千里不能接也南懷仁坤輿全圖無俄羅斯惟死海之西稍北有俄羅斯定其北有沒箇斯未亞一作莫哥斯未亞艾儒

畧職方外紀云亞細亞西北有大國曰莫斯科未亞東西徑萬五千里南北徑八千里中分十六道魏默深云卽俄羅斯也顛林圖死海之北有北叻思國又北有羅沙國余謂羅沙國卽俄羅斯國都北叻思國蓋其南藩新地耳歐羅巴人四洲志曰俄羅斯舊國卽古時額利西意大利之東北邊地所謂西底阿土蕃是也近數百年始強盛疆域甲于諸洲有在阿細亞洲者有在歐羅巴洲者有在墨利加洲者其在歐羅巴洲七區曰東俄羅斯西俄羅斯南俄羅斯大俄羅斯小俄羅斯加區俄羅斯並有所得南隅回教之新藩地東界阿細亞洲內部落西界波蘭普魯社及歐塞特界南界都魯機北抵冰海幅員二百零四萬

方里又有所得阿悉亞洲

即阿細亞洲南懷仁作亞細亞洲

之新藩地共四部

落總分二區曰東悉比里阿西悉比里阿東抵海北抵冰海西
界歐羅巴洲內部落南界中國蒙古索倫幅員五十萬方里在
墨利加洲內部落者僅葛西模斯一小隅之地方里無紀載其
國都原建於大俄羅斯之莫斯科後改都於東俄羅斯之比特
格今仍還舊都余按四洲志所言方里者開方法也開方法方
十里者爲方一里者百方百里者爲方一里者萬方千里者爲
方百里者百爲方一里者一百萬今云在歐羅巴洲者幅員二
百零四萬方里是僅長二千里寬一千里又長二百里寬二百
里耳衍而伸之以方五百里計亦僅長四千里濶五百里又長

二百里寬二百里耳在阿細亞洲者五十萬方里以方二百里計之當長二千五百里寬二百里然東自黑龍江之東海邊西至普魯社實近二萬餘里此方數殊不合則所云方里者不足據也志又云在阿細亞洲者戶百有三萬八千三百五十六口在歐羅巴洲者戶六千五百萬口既有戶口之數則幅員方里不應不確豈譯數有誤耶如職方外紀所云東西萬五千里南北徑八千里者似爲近之若西域聞見錄言其國東西距二萬餘里南北窄狹自千里至三千餘里不等猶約畧之辭耳

默深西洋沿革圖死海之西南有南都魯機一名度爾格又名西女國其西北爲北都魯機一名度爾格又名額力西又名厄

勒祭又名氓哱呻余按此云南北二都魯機皆俄羅斯之南屬
卽陳倫炯圖內之東西多爾其也西人地圖作土爾其土都音
近氓哱呻又在西多爾其之西北陳圖不誤默深謂氓哱呻卽
北都魯機恐誤又按南懷仁圖死海之南臨小西洋東接回回
有地名法爾齊地產五色石金剛石青石其西北又有地名百
爾西亞在莫斯科未亞之極南疑卽陳圖之兩多爾其魏圖之
兩都魯機也南圖百爾西亞之北爲大白理斯單東連回回豈
卽陳圖之包社大白頭耶大小白頭皆回回國也默深以百爾西亞卽包社
回陳倫炯曰大小白頭二國北接三馬爾丹卽噶爾旦之本國
也三馬爾丹之北隣細密里也國細密里也之西爲俄羅斯國

小白頭東隣民呀國民呀人黑穿着皆白類似白頭英機黎荷
 蘭佛蘭西聚此貿易民呀之東接天竺佛國民呀東南遠及暹
 羅民呀之南臨海民呀之北接哪嗎西藏及三馬爾丹國屬余
 以南懷仁圖考之五印度莫臥爾之北有撒白勒斯單卽三馬
 爾丹也東南隔大流沙爲西蕃卽天竺佛國矣北有箇拉散似
 卽陳圖之噶爾丹也又北有阿被河長七千二百里其河之西
 北近冰海爲西北里亞亞也音相近似卽陳圖北近冰海之細
 密里也

右南北都魯機

西域聞見錄言鄂羅斯之外有控噶爾國更大於鄂羅斯余以
 歐羅巴人四洲志考之所云控噶爾國在鄂羅斯西北卽普魯

社其北卽冰海其西爲綏林國那威國璉國瑞丁國大尼國其
南爲波蘭國卽波羅尼爲歐色特里阿國一作莫爾大末亞其
西南卽地中海據此言之控噶爾初不甚大何至如聞見錄之
所云乎蓋同子行商其國彼國人故作夸大之詞而七椿園以
所聞記之非其實也松湘浦諸人已辨之矣

右控噶爾

程文簡論莊子曰莊周之書大抵以無爲至以有爲初其內篇
之首寓意於逍遙遊者是其特起一書類例示化有人無宗本
而人多不之察也夫遊而至於逍遙則意欲鄉而神已達了無
形迹得爲拘閼矣其曰遊豈真遊哉精神之運心術之動念慮
所及莫非遊也其遊也與聖人過化之過同也其不遊也與聖